

فلسفه و اجتماعيات

مجموعه سمي

مؤسس

آلاه سري

استقلال ليه سمي مديري و استانبول اوكلت
و استقلال ليه سمي ادبيات مجلسي

مديري

محمد شروت

استقلال و قباطاش ليه سمي فلسفه و اجتماعيات
و تجاوت مكتي اقتصاد مجلسي

آيده بر نشر اولونور

بر صايبه

- تربيسي قسم : سوفراط اورخانه سهرالديه
تورك تاريخنه باشلانفيج محي الدين
دني اجتماعيات هلمي ضيا
قانونلر تحاول آيده بيليرمي ؟ (بو و انقاره دن) م . الراهي
ديوان ادبياتي : تصنع آلاه سري
خارجي ادراك هانمي منج
اجتماعي سناتيگ (« لسته روارد دن ») زهت شروت
اسكي يونانستانده اجتماعي فكرلر اسماعيل ضرر
نظيقي قسم : تحرير نفوس و اجتماعيات قامليل زاقار
بزرده فكر جريانلري هلمي ضيا
تحليل و تنقيح قسمي : ضيات ترجمه سي : شاذيه بزين در . ا . س .
دو قارت ترجمه سي : ابراهيم ادهم بن مسعود ص . ف .

اداره خانه : استانبول - سرزاده باشي - استقلال ليه سمي داخنده دائره مخصوصه
استانبول - مطبعة ابوالضيا

سقراط حقنده مأخذلریمز، معلوم اولدینی وجهله، افلاطون، (Xenophon)
 قسه نوفون) و آرسطودر . بومأخذلردن هر هانکی برینه ویریه جک خصوصی برقیمته
 نظراً سقراطك آلاجنی شکل طبیعتیه دکیشه جکدر . (قسه نوفون) ك بحث
 ایتدیکی سقراط ایله افلاطونك سقراطی آراسنده پك بویوك فرق واردر .
 (قسه نوفون) ك سقراطی اخلاق وعمومی حیات حقنده مبتدل وعامیانه فکرلر
 سرد ایدن ، اونه کنه بریکنه نصیحت ویرن بر صافدلدن پك فرقلی دکدر . [۲]
 بویله برسقراط ناصل اولورده افلاطون کیی بویوك بر فیلسوفی تسخیر ایدر ،
 وافلاطونك هان هر دیالوغنده اونك ناشر افکاری اولور ؛ بوندن ماعدا قرون اولو
 فلسفه سی اوزرینه سقراطك یابدینی تأثیری ایضاح ایچون (قسه نوفون) ك ترسیم
 ایتدیکی سقراط ممکن دکدر . افلاطونه کلنجه : او هان هر (دیالوغ) نده
 سقراطی مکالمه یی اداره ایدن ، یعنی مکالمه لرده کی اساس فکرلری کودن شخص
 اولارق استعمال ایتشدر . بویله بروضعیت قارشیسنده افلاطونك سقراطه سویلتدیردیکی
 سوزلرک هانکیسنک « تاریخی » سقراطه و هانکیسنک کندیسنه عائد اولدیغنی
 تمیز ایتک پك قولای دکدر . آرسطونك سقراط حقنده ویردیکی معلومات
 ایسه شوراده بوراده سر بیلمش بر قاج نوطدن عبارتدر .

سقراط حقنده کی مأخذلریمز ، قیصه جه آنا خطلرینی کوستردیکمز وجهله ،
 بو وضعیتده در . هیچ بر اثر نشر ایتهمش بر کیسه نك حقیقی فکرلرینی تحقیق ایچون
 بویله بروضعیتک نه قادر چتین اولدینی عیاندر . ایشته بو مشکلاتک حل شکلنی
 ۱۹ نجی عصرده (شلایه رماخه ر) شو دستور ایله وضع ایتشدر : « (قسه نوفون) ك
 محقق سقراطه عائد اولق اوزره بیلدیردیکی مزاجی و حیات قاعده لرینی نقض ایتهدن
 سقراط داها نه اولایلیردی ، و افلاطونی دیالوغلرده مکالمه یی دائماً سقراطه
 رافعه سائق اولایلیمک و حق ویردیرمک ایچون سقراطك نه اولسی لازم
 کلیردی . [۳] ، بوندن چیقه جت نتیجه ، (قسه نوفون) ك اساس عد اولونماسی
 و اونك کافی کلدیکی فرض اولنان برلرک افلاطونك اثرلردن آلنان پارچه لرله آتام
 اولونماسیدر . بو خصوصده آرسطونك نوظلری ده یاردجی وظیفه سنی کوره جک
 و تاریخی بی کینی اولق تهلکه سندن قورناره جقدر .

بوصورتده اساسی قورولان مسئله نك هانكي خصوصده تنقیدی موجب اولاجنی بدیهیدر . مادمکه (قسه نوفون) سقراطی آ کلايه جق برقابلیتده دکل ایدی اویله ایسه نهدن اونك اثرلرینه بودرجه قیمت ویرملی ؟ بوندن ماعدا عجبا (قسه نوفون) سقراطی هر خصوصده صادقانه بیلدیرمش و بیلدیره بیلشمیدر ؟ (قسه نوفون) ك كندی حالنده برآدام اولسی و حتی همان هیچ فلسفی قابلیتی اولماسی ، فلسفه تاریخچیلرینی شو خصوصده تسکین ایتمش ایدی : (قسه نوفون) ك هیچ برصورتده فلسفی ادعاسی اولمادیغندن ، هر نه قادیار استادی بعضاً یا ککش آ کلامش اولسه بیله ، سقراطك فکرلرینی کندینه کوره صادقانه نقل ایده جکدر چونکه (قسه نوفون) سقراطه خلف اولدیغنی ادعا ایده جک حرکتلرده بولونمادیغنی کبی مسسلیکی ده - عسکرلك - بوکا مانع اولیوردی . ایشته بویله برکیمسه نك شهادتی ای برحافظه یه استناد ایتدیکی تقدیرده محقق پك قیمتلی اولاجقدر . بوندن دولایی اساس نقطه لرده (قسه نوفون) ه استناد ایتك و بارز صورتده تبین ایدن سؤ تفهملری آرسطونك نوظلرینه نظراً افلاطونك دیالوغلرنده کی فکره کوره تصحیح ایتك لازم کله جکدر . بویله جه ، حقیقی یعنی تاریخی سقراطك فکرلرینك منبعی اولق اوزره (قسه نوفون) ك (Les Memorables) ی قبول اولونمش اولیور . سقراطه عائد مأخذلریمزك بوشکلده حلی فلسفه تاریخچیلرینی (قسه نوفون) ك خاطراتی اوزون بویلی تدقیقه سوق ایتمشدر . ۱۹ نجی عصرده کی تدقیقاتك نتیجه لرندن بری ده (قسه نوفون) ك حتی اساس یرلرده ، سقراطك محرم طلبه لرندن (کلیه Cynique) [۴] مکتبک مؤسسسی (Antisthenes آنتیس تهنهس) دن ملهم اولدیغنك

[۴] Cynique (کلیه) تعبیری حقتده بعدالمیلاد ۳ نجی عصرده تاریخ فلسفه ایله مشغول اولان (لائرتلی دیوژن) ك « مشهور فیلسوفلرک حیات و فکرلری » نامنده کی اثرینك ۶ نجی بابنك ۱۳ نجی فصلنده شو ایضاحات واردر : « درسلرینی [یعنی آنتیس تهنهس] شهر قاپوسندن اوزاق اولمایان برژیمناستیک محلنده یعنی Cynosarges ده ویرردی . بعضی کیمسه لره کوره مکتبک اسمی بوندن کنایه ایش . کندینه ایسه (Haplokyon کویک) لقی طاقلمشدی . بوراده فی الحقیقه (آنتیس تهنهس) ك مکتبک اسمی درس ویریلن محلدن کنایه اولدیغنی سویله نیور ، و حقیقه بویله اولدیغنی ده امثالی طولایسیله ده محتملدر . اورمانکی فلسفه مکتبلرینك اکثریسنك اسملرینك مؤسس اولدقلری محلدن آلتیمی اعتیاد حاله کیرمش بولوندیغندن هر حالده (آنتیس تهنهس) ك مکتبک تسمیه سننده عینی حالک وقوعی قبول اولنه بیلیر . کلمه نك یازیلیشنده ده (مثلا Cynique ایله Cynosarges) مشابهت کورولویور . مع مافیله (آنتیس تهنهس) ك لقبک Haplokyon یعنی کلب اولسی و اونك

اثباتیدر . بویلهجه (قسه نوفون) ك سوقراط ایچون مأخذ عند اولونمق خصوصنده قیمتی قالمادیغنی کورن فلسفه تاریخچیلری سلامتی آرسطویه التجاده بولشاردر .
سوقراط حقنده کی تحریات بو وضعیتده ایکن ، نقطه نظری مقاله مزه اساس اولان (Heinrich Maier مایهر) مداخله ایدهرك حقیقی سوقراطی بو صورتده الیه ایده میه جکمزى وکندیسنک ، مأخذلری تکرار عریض وعمیق تدقیقی اوزرینه دیکر برطاقم نتیجه لره واصل اولدیغنی سویله مشدر . مایهرك تدقیقانه نظراً (قسه نوفون) ك سوقراط تعریفی اهمیتلی صورتده ایکی مهم سوقراط طلبه سنک - افلاطون آنتیس تهنهس - تأثیری آلتنده قالمشدر . عینی زمانده « خاطرات » نك نشری سوقراط طلبه لری آراسنده بویوك برضدیت حکمفرما اولان زمانه تصادف ایدیور . بوده نظر اعتباره آلتدیغنی تقدیرده (قسه نوفون) ك آراده کی ضدیتی تألیف ایتمک ایسته دیکی آکلاشیلیر . دیمک كه (قسه نوفون) ده دیکرلری کی سوقراط حقنده کندی فکرلرنی ، استادی کوردیکی و آ کلاذینی طرزى نشر ایتمشدر .

بو خصوصده (مایهر) [۵] شوسوالی ایراد ایدیور : « افلاطون ایله آنتیس تهنهس آراسنده سوقراط حقنده کی مجادله ده (قسه نوفون) حکمک ایده بیله جک اقتدارده میدی ؟ .. حتی حقیقی سوقراطی افاده ایده بیلمیدى ؟ خلاصه : قسه نوفون حقیقتاً استادك فعالیتنی ومقصدینی آ کلامشی ایدی ؟ ... بوسواله هر حالده . خایر ، دیه جواب ویره بیلیرز . « قسه نوفون حقنده کی تدقیقانتک نتیجه سی پك خوش دکلدر . اثرلرنده کی سوقراط مکالمه لری (fictif) اودورمه وتقلید اولونمش اولدقدن ماعدا اثرلرنک دیکر مهم اقسامنده ده افلاطون و (آنتیس تهنهس) ك تأثیری آلتنده قالمش اولدیغنی کورولیمور . ایشته بونلری برر برر اثبات ایدن فلسفه تاریخچیلی بویلهجه چوق مشکل بروضعیتده قالمغه مجبور اولیمور .

فلسفه سنه منتسب اولانلرك باخصوص سینوبلی دیوجنسک (دیورذن) بونی دوغرودن دوغرویه قبول اتمی و بوندن ماعدا دیوجنسک یاشایش طرزینه اضافتاً بولقبك چوق قولانمسی کلیون نامنی پك حقیق کبی کوسترمز . سینوبلی دیوجنس کبی غیر طبیعی وکولونج یاشایان برکیمسک منتسب اولدیغنی بر سلسلکک اسم مشابهتی دولایسیله ده بالآخره کلبه تحویل اولونمش اولماسی پك محتملدر .

سقراط حقنده کی آرسطونک شهادتی نه وضعیته در ؟ اونک عجبا آریجه مأخذ اولایلمک خصوصنده بر قیمتی وارمیدر ؟ فی الحقیقه مه تافیزیک و اوج [۶] مختلف اخلاق اترینک اساسلی تدقیقاری شونتیجه بی ویرمشدر: آرسطونک سقراط حقنده کی نوطلری اک مهم جهتلرنده (قسه نوفون) ک « خاطرات » نک ۴ نجی بابنک ۶ نجی قسمندن مقتبسدر . بوندن دولایی سقراط آرسطونک نظرنده (قسه نوفون) ک تأثیریه عمومی مفهوملمک واستقرائی اصولک کاشفی اولدی . آرسطو (قسه نوفون) ک تعریفی دوغرو اولارق قبول ایتمی اوزرینه معین بر تاریخی ترتیه سائق اولمشدر . بو ترتیه نظراً سقراط عمومی مفهوملمک کاشفی اولدیغندن افلاطونک فکر نظریه سی استادک کوستردیکی یولدن اهمیتلی بر آریلیشدر . بونقطه نظرک ، یعنی افلاطونک سقراطه قارشی قونمی آرسطو طرفندن کندیسنی سقراطک عمومی مفهوملمک فلسفه سنی انکشاف ایتدیره ن کیمسه کیی کوسترمک ایچون قصداً ترتیب اولندیغی اثرلرنده تام بروضوله کوزوکیور . نته کیم آرسطونک دائماً ونوب دولاشوب اعتراض ایتدیکی جهت افلاطونک فکر نظریه سی (Ideenlehre) اولمشدر . بو خصوصده آرسطو حتی افلاطوندن اهمیتلی درجه ده ملهم اولدیغی ایچون کندی فلسفه سنک افلاطونله مشترک اولان جهتلرینک سقراطه عائد اولدیغی ادعا ایتمی عقاله پک یقیندر . ایشته بوندن دولایی آرسطونک شهادتنه ده باشلیجه بر مأخذ اولایلمک قیمتی ویرمک ممکن اولامیه جقدر .

بویله جه امبدسز بروضعیته کلش کیی یز ! مع مافیله بویوک برطالع اثری اولوق اوزره دیکر برجهته ده مناقشه قبول ایتمز بر اساسه مالکمز . بونلرده افلاطونک ، سقراطک شخصنه دائر اولان یازیلریدر : مدافعه نامه (Apologie) وقریتون (Kriton) . بونلرک ایکسینه یقین اولان دیکر برغروپ داها واردرکه اونلرکده سقراطه عائد اولدیغی قطعیتله ادعا اولنه بیلیر: لاکسس (Laches) ، خارمیدهس (Charmides) ، کوچوک هبپ یاس (Hippias minor) ، ئی یون (Ion) . بودرت دیالوغه اک قریب اولانلراوی تیفرون (Euthyphron) ، لیزیس (Lysis) وتقلید دکلسه

[۶] آرسطونک اوج مختلف اخلاق کتابنه صاحبز . بونلردن بری واک مهمی ، آرسطونک اوغلنک نامنه اضافه (نیقوماهوس اخلاق) دیه معروف اولاندر . بوندن ماعدا آرسطو طلبه لرندن Eudemos نامنه اضافه واونک نشر ایتدیکی (اوی ده موس) اخلاق و (بویوک اخلاق) دیه مختصر دیکر ایکسندن خلاصه ایدلمش براوچنجی اثر واردر .

بویوک هیپیا (Hippios maior) در . بوندن ماعدا پروتاگوراس (Protagoras) دیالوخی بهمحال افلاطونک سقراط دیالوغلرندن عد اولنه بیلیر . غورغیاس (Gorgias) دیالوخی ایله ، افلاطون ، سقراط دورینی [۷] آشمشدره . غورغیاسده کی فلسفه سقراطک استعمال ابتدیکی جدل (Dialectique) دکدر .

افلاطون ضیافت (Symposion) [۸] نامنده کی دیالوغلرندن کی (آلکی بیادهس Alkibiades) . سقراط حقنده برمدحیه سویلتدیریر . آلکی بیادهسک سقراط حقنده کی بوسوزلری مدافعه نامه (Apologie) ده کی سقراط تمثیلنه تامیه مطابقدر . شیمدی بوراده وارد اولان شویله بر سؤال وار : بویله بر وضعیتده نهدن افلاطون سقراط حقنده مدحیه لزوم کورییور ؛ بونک بر معناسی اولدینی محقدر . افلاطون بوسرده کندیسنک فکر نظریه سنی تأسیس اتمش بولوندینی - موضوع بحث دیالوغلرندن - سقراطک آغزندن دیوتیما (Diotima) . یه سویلتدیکی سوزلرده بوتون وضوحیه آ کلاشیلیر و بویله جه اخذ اتمش اولدینی وضعیتدن تاریخی سقراطه رجعی بر نظر عطف ایده رک کندی فکر لر یله سقراط آراسنده کی فرقی تمایز ابتدیرمک ایسته دیکی کورولییور . آلکی بیادهسک عینی دیالوغلرندن تصویر ابتدیکی سقراط ایله اصل تاریخی سقراط آراسنده ایسه پارلاق و تام بر مطابقت اولدینی بدیهیدر . بناء علیه « ضیافت » ده کی بو تفریقندن سوکرا افلاطونک ، متعاب دیالوغلرندن سقراطه سویلتدیکی سوزلر سقراطک فکر لری دکل ، بالذات افلاطونک فکر لریدر .

تاریخی سقراط ایچون مأخذ اتخاد ایدیله جک منابع حقنده (مایه ر) ک یابدینی تحریات نتیجه سنده یکانه واک زیاده شایان اعتماد منبعک افلاطونک کنجک اثر لری اولدینی تبیین اتمشدر . بونلردن ماعدا سقراطی قاراقتهریزه اتمک ایچون « ضیافت » ده کی ، (آلکی بیادهس) واسطه سیله یاپیلان ، تصویرده نظر دفته آلمالییدر . افلاطونه استناد ایدن بوشهادتی اتمام ایچون (آنتیس تهنس) ک ایلك

[۷] افلاطونک دیالوغلرندن کنجککنده یازدقلری ، یعنی ایلك اثر لری ، محتویاتی اعتباریله اسکیدن بری سقراطه عائد عد اولتور ایدی . افلاطون ایلك اثر لرنده سقراطک فکر لرینی نقر اتمش و استادک طرزینی کوسترمشدر . بوندن دولایی بو نوع دیالوغلر (سقراط دیالوغلری) و افلاطونک حیاتنده کی بودوره یه (سقراط دوری) دیمکده در .

[۸] بو دیالوغلر شاذیه برین خاتم طرفندن تورکجه یه نقل اولونمشدر .

یازیلری ایله دیکر سوقراط تئیلرندن (آریس تیپ) و (اویقلید) ده نظر اعتباره آلمانلدر . بونکله تعقیب ایده جگمز یول اشارت اولونمشیدر . کتابی منبع [۹] اولارق افلاطونک ایلك یازیلرندن استعانه ایده جگمز . اک باشده مدافعه نامه (Apologie) و قیریتون (Kriton) متعاقباً « ضیافت » ده کی سوقراط تمثیلی وایکنجی درجه ده افلاطونک کنجلك دیالوغلری کلیر . اونلرده شونلردر: کوچوک هیپ یاس (Hippias minor) ، ئی یون (Ion) ، لاخهس (Laches) خارمیدهس (Charmides) ، پروتاغوراس (Protagoras) و اوی تیفرن (Euthyphron) . بو کتابی منبعک استعمالیه ، کندیلرنده برنجی درجه سوقراطیوندن اولوق صنعتی کوردیکمز افلاطون ، (آنتیس تهنهس) ، (آریستیپ) ، (اویقلید) و اونلرک یانی صیره (نئشینهس) کیب سوقراط تئیلرینک فاسفه لرینه و سوقراط حقنده کی تلقیلرینه رجوع دیمک اولان (نتیجه دن سببه تاریخی استدلال) کده ، ال اله یورومسی لازمدر . عینی زمانده بوایکی طرفلی عملیه دن (قسه نوفون) ک سوقراط حقنده کی یازیلرنده و باخصوص « خاطرات » نده تمثیل ایتدیکی سوقراطده اصلاً سوقراطه عائد اولانی تثبیت ایتک و بومالزمه دن دخی سوقراط تحریاتنده استفاده ایتک امکاتی حاضر لایان بر دستور چیقارمش اولیوروز . مطلقاً صرف نظر ایتمکه مجبور اولدیغمز بر منبع واردرکه اوده حال حاضر تحریاتنک اک زیاده حائز قیمت عد ایتدیکی آرسطودر : آرسطونک سوقراط حقنده کی نوطلرینه ، شو محقق درکه ، مستقل واصلی منبع قیمتی ویرمک اساس اعتباریه ممکن اولامیه جقدر . [۱۰]

(مایهر) سوقراط حقنده تحریات یاپان دیکر مؤلفردن اساسلی بر نقطه ده آریلییور . اوده (مایهر) ک سوقراط حقنده کی تلقیسنی دوغرو دن دوغرو به سوقراطک طلبه لرینه استناد ایتدیردیکیدر . باخصوص آرسطونی نظر اعتباره آلمایشی شیمدی به قادر بیلدیکمز سوقراطی کلیاً دگشدرمکده در . بنا علیه (مایهر) تحریاتی نتیجه سننده بولنان حقیقی و تاریخی سوقراط اوکمزه یب یکی برسیا ایله حقیقه جقدر .

شیمدی به قادر سوقراطک « فلسفه سی » دیه تاریخ فلسفه کتابلرنده کوریلان

[۹] کتابی منبع کله سنی Litterarische Quelle معناسنده اولانیوروز . کتابیانی تعبیری

ممکن اولسه داها دوغرو اولوردی .

[۱۰] عینی اثر ص - ۱۵۶

۲۴۸ سقراط فلسفه و اجتماعیات

معین بر (doctrine) عقیده‌یه تصادف اولنور . بوکا نظراً سقراط « عمومی مفهوملمر » ك و « استقرائی اصولك » كاشفیدر . سقراط بیلگیلریمزك علمی صورتده آنجاق « عمومی مفهوملمر » واسطه‌سیله ممکن اولابیله‌جكنی اعلان ایتمش و بویله‌جه علمك اساسنی بشرك شعورینه نقش ایتشدردر . مع‌مافیه سقراطك بوكشفی ، آرسطویه استناداً یالکیز اخلاقی ساحه‌یه عائد اولمق اوزره قبول اولنور . بوکیب شیلرله مشغول اولان وحتی اولنرك اهمیتی حقنده شعوری اولان بر کیمسه‌نك فیا سولفر میانه ادخالی بك طبیعیدر . مع‌مافیه منبعلك تدقیقی نتیجه‌سنده آرسطونك (قسه‌نوفون) ه استناد ایدن بوادعاسنك شایان قبول اولامیه‌جغنی کورمشدك . بوندن دولایی بوادعا ایچون دیگر بر طاقم شاهدلر بولونجه‌یه قادر اوکا اعتماد ایتمه‌به‌جکیز . اویله ایسه ایلک مراجعت ایده‌جکمز یر ، کتابی منبع اولمق اوزره قبول ایتدیگمز ، افلاطونك کنجلك دیالوغلری اولاجقدر . بوخصوصده افلاطونك دیالوغلرنده نه کیبی معلومات وار ؟ سقراط دورینه عائد دیالوغلرده بو خصوصی تأیید ایده‌جك الك اوافق بر دلیلله بیله راست کلمکه امکان یوقدر . افلاطونك بونوع دیالوغلری تمامیله نتیجه‌سز نهایت بولور . یعنی موضوع بحث اولان مسئله‌حقنده سقراطك معین بر فکر بیان ایتدیگی واقع‌دکلدردر . مثلاً (Charmides خارمیده‌س) دیالوخی شوپله نهایت بولور : سقراط موضوع حقنده (خارمیده‌س) ه معین بر شی سوپله‌یه‌مدیکی ونقیض نتیجه‌یه وارلدیغنی ایچون بیان تأسف ایدر و بونك آنجق کندیسنك جدل (Dialectique) و تحری خصوصی‌سنده کی اقتدارسزلغندن ایلری کلدیکی علاوه ایدر . (خارمیده‌س) ایسه جواباً سقراطك اقتدارینه قانع اولدیغنی و اصل بوندن صوکرار ارشاد اولونمق اوزره یانندن آیرلمایه‌جغنی سوپلر . بو مثال‌لدن ده کورپله‌جکی وجهله سقراط معین و مثبت بر شی ادعا ایتمه‌مشدر . دیمك اولیورکه منبع اتخاذ ایتدیگمز دیالوغلردن بو خصوصده مثبت ، آرسطونك (قسه‌نوفون) ه استناد ایدن ادعاسنی تأیید ایده‌جك بر نتیجه بولمق ممکن دکلدردر . افلاطوندن ماعدا « (آنتیس‌ته‌نه‌س) ، (اویقلید) و (آریس‌تپ) نام بر معینتیه‌زی عکسی استقامته سوق ایدیور . » [۱۱]

بووضعیت قارشوسنده سقراطك « عمومی مفهوملمر » و « استقرائی اصولك » كاشفی اولدیغنی ادعاسندن صرف نظر اتمك ایجاب ایدیور .

مادامکه سقراط « عمومی مفهوملمر » و « استقرائی اصولك » كاشفی دکلدی ،

اولیه ایسه اونک فلسفی قیمتی نهدن عبارت ایدی ؟ یوقسه سقراطک قرون اولی اوزرینه اولان عظیم تأثیری کندینه استناد اولنان (Eudémonist استسعادی) اخلاقه مبنی اولابیلیرمیدی ؟ بوشکلده ایراد اولنان بر سؤال اولوتیه (مایه) ک ادعاسنی برجهتدن تقویه ایده جکدر . چونکه سقراطک تاریخی قیمتی ایله فکرلری آراسنده برمانیت آراندیغی تقدیرده شیمدی یه قادر حقیقی سقراط دییه کوستریلن سقراطک اخلاقی حیات اوزرینه و باخصوص اک یاقین طلبه لری اوزرینه یاپدیغی تأثیری نظر اعتباره آلمق لازم کله جکدر . بونی نظر اعتباره آلتجه یوقاریده کی سؤالی شو شکله قلب ایده بیلیرز : عجبا « عمومی مفهوم لک » و « استقرائی اصولک » کاشفی دییه کوستریلن سقراط یاقین طلبه لری اوزرینه بلمدیکمز تأثیری ناصیل یامیش اولابیلیر ؟ ناصیل اولورده بویه بر سقراطک طلبه لری ، همان هپسی بردن ، اونی حیاتده نمونه ، یاشاییش طرزینه مثال اولق اوزره کوستریلر ؟ فلسفه و منطق ساحه سنده بویوک موفقیتلر کوسترن بر فیلسوفک طلبه لری ایچون اصلا استادک اساسلی فکرلرندن بحث ایتک لازم کلزمی ؟ بووضعیت قارشوسنده حیرته دوشمه مک و شیمدی یه قادر فلسفه تاریخچیلرینک نهدن بونی نظر اعتباره آلمادقلرینه شاشامق الدن کلز . سقراطک بالعموم یاقین طلبه سی اوزرینه اک اساسلی تأثیرلری یاشاییش طرزلی و حیات دستورلری حقتده اولسی و بونلردن هیچ برینک سقراطک فلسفی مسلکندن بحث ایتمه سی اسکی نقطه نظری شبهه ایله قارشویلامق ایچون اک قوتلی بر دلیل اولدقدن ماعدا بونوع تأثیرلری میدانه کتیرن شخصک ناصیل بر مؤثر اولدیغی استدلال ایچونده چوق مهم بر منبع اولاجقدر . چونکه سقراطک اعدامندن سوکرا طلبه لری آراسنده حقیقی سقراط ایچون یاپیلان مجادله ده اونک فلسفی (doctrine عقیده) لری هیچ بر زمان موضوع بحث اولمامشدر . بالعکس موضوع بحث اولان شیلر میاننده سقراطک حیانه قارشوی آلدیغی وضعیتی طلبه لرینه نه صورتده آشیلامق ایسته دیکیدر . بومیانده (آنتیس تهنس) سقراطده ، حیاتده انسانلرک اهمیت ویردیکی ، بر طاقم آلداتیجی قیمتلری استحقار ایدن و مزاحم و مشقتدن چکنمه یین بر شخصیت کورمشدر . (آریس تپ) ایسه استادینی ذوق واکلنجه دن قاچایان مع مافیله ایسته دیکی آن ، هر خصوصده ، کندینه حاکم اولابیلن بر کیمسه دییه طاقمق ایسته مشدر . افلاطونک بو خصوصده کی فکرلری (مدافعه نامه Apologie) ، (قریتون Kriton) و « ضیافت » کیی اثرلرنده کورولور .

بو قدار آقیری دوشونجه و مزاج صاحبی کیمسه لرك هپسی طرفندن سوقراطك
 بنسنمی ایچون حتی « عمومی مفهوم لر » ك و « استقرائی اصول » ك کاشفی اولوق
 کافی اولماقدن ماعدا ممکن ده دکلدر . چونکه (doctrine عقیده) سی معین اولان
 بر کیمسه نك طلبه لرینك او خصوصده برلشمسی لازم کلیر ؛ آنجق بر فکر اطرافنده
 بعض نقطه لرده اختلاف اولاییلیر ! حالبوکه سوقراط تلیدلری بو نقطه دن تدقیق
 اولوندیغی زمان ، استاد لرینی ، جمعیت حیاتنده هر کسی ارشاد ایتك خصوصنده
 - عملی و اخلاقی ساحه ده - فعال بر عضو اولوق اوزره کوستریرلر .

حیاتی آئینه شهری اعضاسنك ارشادینه وقف ایدن و بو فعالیتدن هیچ برمادی
 منفعت تأمین ایتمین سوقراطه فیلسوفدن زیاده (پیغمبر prophète) وصفی یاقیشه جتمدر .
 چونکه « سوقراطك حیاتی وقف ایتدیگی (فلسفه) نه (نصی dogmatique)
 ونه ده (حسبانى sceptique) مه تافیزیک ، نه منطق ، نه (اخلاق ethique) ونه ده
 (بلاغت rhétorique) در ؛ اوکا هیچ بر خصوصده علم ، و بوندن داها آز حقله ،
 عامیانه علم دینه مز . ا ، شخصی ، اخلاقی حیاتی ارشادیرمقدر .» [۱۲]

سوقراطك غایه سی انسانلری نسیاندن قورتارمق و اخلاقی حیاته قازانه رق
 انسانلغه یاقیشاییله ن حیات سویه سنه چیقارمقدر . اونك مقصدی انسانلرك کندیلرینی
 طویلایارق اخلاقاً بو کسلمه لریدر . اول امرده سوقراط جدلنك (dialectique)
 خطاب ایتدیگی کیمسه لر ، کندی کللرینك کولکسنه استناد ایدن ، عامیانه اخلاق
 صاحب لری و سورودهنیتنی طاشییا نلردر . عنعنه سلطه سی آلتنده یاشامق ، سوقراطه
 اخلاقاً او یومق و بر نوع معنوی حسسزلک کیی کوزو کدیکندن آتله لیری بو خصوصده
 ایقاظ ایتك اونك ایچون وجدانی بر بورج ایدی . آتله لیرك سوقراط زماننده اده
 ایتدکلری حرث سویه سی بو خصوصده تامام قالمشدی . ایشته بو بوشلق ، سوقراطك
 کوروب بوتون وارلغیله دولدورمغه چالیشدیغی اخلاقی حیات ایدی . اخلاقی حیات
 سوقراطك کوستردیکی شکلده تعمیم ایتدیگی تقدیرده آتله لیر مسعود اولاجقدیلر .
 سوقراطك آتله لیره بو بشارتی ایله یونان حرثی اتمام اولونیوردی .

سوقراط کندیلکنندن ، درونی برسوق ایله بویله بر فعالیتی ، وجدانی وظیفه عد
 ایدره ك جمعیت اوغورینه حیاتی وقف ایتمشدر . فعالیتنك بوشکلده اولسی معین
 بر عقیده یه صاحب اولماسنی ده انتاج ایدمجه کی آشکاردر . هر حالده سوقراطك هیچ
 بر اثر نشر ایتمه سی تصادفی اولماز . چونکه سوقراطك یاشادیغی زمان و محیطده
 اوکا بو خصوصده مشابه هیچ بر کیمسه یه تصادف اولنه مایور . بناء علیه سوقراطك

حیات حقنده کی دوشونجه لرینی و فعالیتنک مرکز ثقلتی بولوب چیقارمق ، سیسته ماتیک اولمایان رشیشی ، سیسته ماتیزه ایتک هم کوچ وعینی زمانده حادثه لری بدرجه تضیق آلتنه صوقق اولاجقدر . مع مافیة سقراط حقنده معین بر فکر ایدنک ایچون چاره سز بویله بر یوله توسل ایتک لازم کله جکدر .

سقراط ، فعالیتنک استناد ایتدیکی (Idéaliste) افتکاری کوروش طرزینی استسعادی دوشونوش طرزیه تألیف ایتکه چالیشمشدر . اونک نظرنده اخلاقی مفکوره عمل ایچون اویله مطلق بردستوردرکه بودستوره فرد ، حیاتی بهاسنه ، مطاوعت ایتلیدر . ایشه بودستوره مطاوعت ، مفکوره یه نظراً یاشایش ، سعادت باعث اولور . سقراط بالحدس قاورادیی بو حقیقتی کندی عمل طرزیه بالفعل حیانه تطبیق ایتشدر . سقراطک عننده اخلاقی حیاتک واجب غایه سی فردک ایچندن ، اختیارندن دوغان غایه در ؛ یوقسه نه الهی ، نه اجتماعی ونه ده کائنات نظامندن آلتش بر غایه در .

بویله جه سقراطک مفکوره سی فردی ، (autarke [۱۳] قانع بالذات) ومختار اراده مفکوره سیدر . « اخلاقی قانع بالذات فکرنده مندمج اولان حقیقت سعادت مسئله سنک علوی بر جلیدر . » [۱۴] سقراطک فضیلت ایچون بیلکی ادعاسی یعنی فضیلتک بیلکی اولسی معقولیت ایله یاقیندن مناسباندردر . بر جوق سوء تفهملره میدان ویرن بوفکرک - فضیلت بیلکیدر - اساسی آنجق شو اولابیلیر : انسان دوشونجه سنی کندیسنه توجیه ایتلی و افعال و حرکاتی ، فضائل ویا کیشلری ، انهماک ووظیفه لری ، سعادت و قدری اوزرینه تفکر ایتلیدر . چونکه بویله بر تفکرک نتیجه سی بیلکیدر . ایشه بوبیلکی انسانک کوزینی آچار واراده سنی اخلاقی سویه یه ارتقا ایتدیریر . بوندن دولابی ، بیلکی یه صاحب اولان ، سعادتتی آنجق فضیلتده آرار و بولور . انسانک طبیعی آرزوسی ایلیکی استهداف ایتدیکی کبی بوایلکده اونک سعادتتی تشکیل ایدر . بوندن دولابی طبیعی آرزولرینه رعایت ایدن عینی زمانده سعادتتی ایچون چالیشان دیمکدر .

سقراطک نظری اخلاقی اولمادیغنه اشارت ایتشدک . اوانسانلری مفکوره یی آراشدیرمغه سوق ایدن بر پیغمبر وانسانلره دوغرو بولی بولمغه یاردیم ایدن بر حیات آدمی ایدی . بوندن دولابی سقراط معین بر مفکوره تثبیت ایتکدن چکینمشدر .

[۱۳] autarkia یونانجه ده بر کیمسه نک حیاتده مسعود اولابیلیمک ایچون کندی اقتدارینک

کندیسنه کافی کلسی لزومنی افاده ایدن بر کله در . کلیون ورواقیون فلسفه سنده جوق مستعملدر .

[۱۴] عینی ارس ۳۳۵ .

بوقادار آقیری دوشونجه و مزاج صاحبی کیمسه لرك هپسی طرفندن سوقراطك
 بنسنمسی ایچون حتی « عمومی مفهوم لر » ك و « استقرائی اصول » ك كاشفی اولوق
 کافی اولماقدن ماعدا ممکن ده دكلدر . چونكه (doctrine عقیده) سی معین اولان
 بر کیمسه نك طلبه لرینك او خصوصده برلشمسی لازم کلیر ؛ آنجق بر فکر اطرافنده
 بعض نقطه لرده اختلاف اولابیلیر ! حالبوکه سوقراط تلیدلری بونقطه دن تدقیق
 اولوندیغی زمان ، استادلرینی ، جمعیت حیاتنده هر کسی ارشاد ایتك خصوصنده
 - عملی و اخلاقی ساحه ده - فعال بر عضو اولوق اوزره کوستریر لر .

حیاتی آئینه شهری اعضاسنك ارشادینه وقف ایدن و بو فعالیتدن هیچ برمادی
 منفعت تأمین ایتمین سوقراطه فیلسوفدن زیاده (پیغمبر prophète) وصفی یاقیشه جتدر .
 چونكه « سوقراطك حیاتی وقف ایتدیگی (فلسفه) نه (نصی dogmatique)
 ونده (حسابانی sceptique) مه تافیزیک ، نه منطق ، نه (اخلاق ethique) ونده
 (بلاغت rhétorique) در ؛ اوکا هیچ بر خصوصده علم ، و بوندن داها آز حقله ،
 عامیانه علم دینه مز . ا . شخصی ، اخلاقی حیاتی ارشادیر مقدر . » [۱۲]

سوقراطك غایه سی انسانلری نسیاندن قورتارمق و اخلاقی حیانه قازانه رق
 انسانلغه یاقیشاییله ن حیات سویه سنه چیقارمقدر . اونك مقصدی انسانلرك کندیلرینی
 طوبولایارق اخلاقاً بو کسلمه لریدر . اول امرده سوقراط جدلنك (dialectique)
 خطاب ایتدیگی کیمسه لر ، کندی کمالرینك کولکسنه استناد ایدن ، عامیانه اخلاق
 صاحب لری و سورودهنیتنی طاشییدانلردر . عنعن ، سلطه سی آلتنده یاشامق ، سوقراطه ،
 اخلاقاً او بومق و بر نوع معنوی حسسزلک کیبی کوزو کدیکندن آتته لیلری بو خصوصده
 ایفاظ ایتك اونك ایچون وجدانی بر بورج ایدی . آتته لیلرك سوقراط زماننده اله
 ایتدکلری حرث سویه سی بو خصوصده ناتمام قالمشدی . ایشته بو بوشلق ، سوقراطك
 کوروب بوتون وار لغیه دولدورمغه چالیشدیغی اخلاقی حیات ایدی . اخلاقی حیات
 سوقراطك کوستردیکی شکلده تعمیم ایتدیگی تقدیرده آتته لیلر مسعود اولاجقدیلر .
 سوقراطك آتته لیلره بو بشارتی ایله یونان حرثی آتام اولونیوردی .

سوقراط کندیلکندن ، درونی برسوق ایله بویله بر فعالیتی ، وجدانی وظیفه عد
 ایدرک جمعیت اوغورینه حیاتی وقف ایتمشدر . فعالیتنك بوشکلده اولمسی معین
 بر عقیده به صاحب اولمامسینی ده انتاج ایده جکی آشکاردر . هر حالده سوقراطك هیچ
 بر اثر نشر ایتمه سی تصادفی اولماز . چونکه سوقراطك یاشادیغی زمان و محیطده
 اوکا بو خصوصده مشابه هیچ بر کیمسه به تصادفی اولنه مایور . بناء علیه سوقراطك

حیات حقنده کی دوشونجه لرینی و فعالیتنک مرکز ثقلتی بولوب چیقارمق ، سیسته ماتیک اولمایان رشیدی ، سیسته ماتیزه ایتک هم کوچ وعینی زمانده حادثه لری بدرجه تضیق آلتنه صوقق اولاجقدر . مع مافیه سوقراط حقنده معین بر فکر ایدنک ایچون چاره سز بویله بریوله توسل ایتک لازم کله جکدر .

سقراط ، فعالیتنک استناد ایتدیکی (Idéaliste) افتکاری کوروش طرزینی استسعادی دوشونوش طرزیه تالیف ایتکه چالیشمشدر . اونک نظرنده اخلاقی مفکوره عمل ایچون اویله مطلق بردستوردرکه بودستوره فرد ، حیاتی بهاسنه ، مطاوعت ایتلیدر . ایشه بودستوره مطاوعت ، مفکوره به نظر آ یا شایش ، سعادت باعث اولور . سقراط بالحدس قاورادیمی بو حقیقتی کندی عمل طرزیه بالفعل حیاته تطبیق ایتشدر . سقراطک عندنده اخلاقی حیاتک واجب غایه سی فردک ایچندن ، اختیارندن دوغان غایه در ، یوقسه نه الهی ، نه اجتماعی ونه ده کائنات نظامندن آلتش برغایه در .

بویله جه سقراطک مفکوره سی فردی ، (autarke [۱۳] قانع بالذات) ومختار اراده مفکوره سیدر . « اخلاقی قانع بالذات فکرنده مندمیج اولان حقیقت سعادت مسئله سنک علوی برجلیدر . » [۱۴] سقراطک فضیلت ایچون بیلکی ادعاسی یعنی فضیلتک بیلکی اولسی معقولیت ایله یاقیندن مناسبانداردر . برچوق سوء تفهملره میدان ویرن بوفکرک - فضیلت بیلکیدر - اساسی آنجق شو اولابیلیر : انسان دوشونجه سنی کندیسنه توجیه ایتلی و افعال و حرکاتی ، فضائل و یا کلشلی ، اهماک و وظیفه لری ، سعادت و قدری اوزرینه تفکر ایتلیدر . چونکه بویله بر تفکرک نتیجه سی بیلکیدر . ایشه بوبیلکی انسانک کوزینی آچار واراده سنی اخلاقی سویه به ارتقا ایتدیریر . بوندن دولابی ، بیلکی به صاحب اولان ، سعادتیی آنجق فضیلتده آرار و بولور . انسانک طبیعی آرزوسی ایلیکی استهداف ایتدیکی کیی بوایلکده اونک سعادتیی تشکیل ایدر . بوندن دولابی طبیعی آرزولرینه رعایت ایدن عینی زمانده سعادتیی ایچون چالیشان دیمکدر .

سقراطک نظری اخلاقی اولمادیغنه اشارت ایتشدک . اوانسانلری مفکوره یی آراشدیرمغه سوق ایدن بر پیغمبر وانسانلره دوغرو بولی بولمغه یاردیم ایدن بر حیات آدمی ایدی . بوندن دولابی سقراط معین بر مفکوره تثبیت ایتمکدن چکینمشدر .

[۱۳] autarkia یونانجه ده برکیمسه نک حیاتده مسعود اولابیلیمک ایچون کندی اقتدارینک کندیسنه کافی کلسی لزومی افاده ایدن برکله در . کلیون ورواقیون فلسفه سنده چوق مستعملدر .

[۱۴] عینی اثر ص ۳۳۵ .

اونك مقصدی انسانلرك مفكوره يي كندیلر نده آرایه رق بولمالری ایدی . سقراطك كندینه اسناد ایتدیكى (Mäeutik أبه لك صنعتی) باشقه دورلو آكلاشیله ماز .
مع مافیة فعالیتی اناسنده سقراطك رعایت ایتدیكى بر طاقم پرنسیپلر اولاجقدر .
بوپرنسیپلری (مایه ر) ۱ - انسانیتكار اخلاق ۲ - اخلاقی فردیجیلک ۳ - اخلاقی دستورلرك (Sécularisation) دنیولشدیرلمسی ۴ - اجتماعی علاقه ۵ - معلوماتیلر آریستوقراسیسی ۶ - ایشك اخلاقی قیمتی دییه تصنیف ایتشدر . بونلر سقراطك حیاندی کی فعالیتنه اساس اولمشدر .

(Péricles) پهریقه س زماننده معتبر اولان تولد دولایسیله اصالت ایله ، دیگر طرفدن بوکا ضد ، دهموقراسی نتیجه سننده بر درجه حق اکتساب ایتش بر بورژووا اخلاقی کورولور . اوزمان مرعی اولان بوضدیت تمامیه صنف ضدیتنه منجر اولمش ایدی . بوکا مقابل سقراط انسانیتكار اخلاقی ایله آراده کی فرقی ، ضدیتی قالدیرمق ایچون چالیشمش ونهایت بونك ایچون لازم كلن عامللری جمعیت بنیه سنه آشیلامغه موفق اولمشدر . اخلاقی خصوصاتده انسانك قیمتی ادراك ایدن سقراط طبیعتیه قیمتلك اساسنی فرده آرامشدر . بویله جه فردك مستقل بر قیمت قازانمسی ، سعادتیه ده كندنده آرامسنی ، خارجدن رجا و نیاز ایتمه سنی ، انتاج ایدیور ایدی . سعادتیه اراده سننده آرایان و بولان فرد معبودلك و آلهلرك کیفی توجه و اغبرار لرندن آزاده قالیوردی . سقراط فرده مستقل بر قیمت و برمكله جمعیت و دولتی اونوتامشدر . بالعكس فردك كندی قیمتی حقنده کی شعوری ، اونك اراده سنی جمعیه نافع اولمغه سوق ایده جكدر . چونكه كندی منفعت و سعادتیه ادراك ایدن آنجق بونك جمعیتده کی وظیفه سنی ایفالیله ممكن اولاجغنی بیله جكدر . فردی سعادت و منفعت قانون دائره سننده - Autonomie - هیچ بر زمان جمعیتك و دولتك علیه اولاماز . نته کیم سقراطی تمایز ایتدیرن اك قیمتی وصف لرندن بری ، پرنسیپلرنی یاشایش طرزیه اظهار ایتسی اولدیغنه نظراً ، اوفردی سعادتك ناصیل جمعیتله علاقه دار اولدیغنی بالذات حیاتیله کوسترمشدر . انسان جمعیت و دولت ایچروسنده وظیفه سنی مختار و فردی اراده ایله تعیین ایتدکن صوکرآ آنجق بونك واسطه سیله سعادتیه مظهر اولابیلیر . ایشته بوندن دولاییدرکه سقراط كندی سعادتیه یاشادیغنی محیطی ارشاد ایتك وظیفه سننده کورمشدر .

جمعیت و دولت ایچنده کی وظیفه لرك فردله تقسیمیه حقنده سقراطك - معلوماتیلر آریستوقراسیسی - معین بر دوشونجه سی واردر . پهریقه س دهموقراسیسنده اسکیدن قالمه ویکی قانونلرك تمامیه الغا ایده مدیکی بر طاقم اجتماعی نظاملرد قارشی سقراط اولدقجه شدتلی وضعیت آلمشدر . مأمورین وظیفه لرینك قرعه ویا دوغرودن

دو غرویه خلق طرفندن انتخاب واسطه سیله تقسیمی سقراطک نظر نده حقیقی اهلیت لک ایش باشنده بولونمسنه مانع اولیوردی . چونکه اهلیتی اولمادن سوفیستلردن «بلاغت» ساتون آلان کیمسه خلقی قاندره رق ایسته دیکی شیئه نائل اولابیلیوردی .

بو حاللری یاقیندن تعقیب ایتیش و بو خصوصده بالذات تجربه سی [۱۵] اولان سقراط طبیعتیه بونلره کوز یومامازدی . اونک ایچون اول امرده طلب ایتدیکی شیء جمعیت داخلنده کی وظیفه لک او خصوصده اهلیتی اولانلره ترکی اولابیلیر ایدی . اداره اختصاص و علم واسطه سیله اولمالیدر . مع مافیه بونک سقراط زمانی ایچون بک آقیری بر نتیجه سی اولمشدر . وظیفه لر فرد طرفندن ایفا اولنهرق اونک سعادتتی تشکیل ایتسی لازم کلنجه آرارلنده کی قیمت فرقی زائل اولیور . هر هانکی برو وظیفه یعنی ایش ، فردی جمعیت بنیه سنه ربط ایدهرک اونی مسعود ایدهرک اولابیلد کدن سوکرا آرارلنده ناصیل فرق قالیر ؟ سقراطک قصد ایتدیکی ایشک ، نه اولورسه اولسون ، محترم اولدیغیدر . بوندن دولانی اوکا اخلاقی قیمت ویرمه مز لازم کلیر . بو خصوصده سقراطک اککزیده طلبه سی اولان افلاطون بیله استادک کوستردیکی بولدن الحراف ایتمشدر .

عصر لر اوزر بنه یادیغی تأثیر اعتباریه سقراطک ، بک چوق کره حضرت عیسی به قیاس اولونماسی ، اوستنا شخصیتک یالکز بر عالم فیلسوف اولمادیغی فکرینی بک چوق کیمسه لره ویردش ایسه ده ، بو حقیقتی علمی بر صورتده اورته یه آتان و اثبات ایدن هارینریخ مایدر اولمشدر . (مایهر) بولدیغی بو حقیقتله بزى بک مهم بر نقطه ده ارشاد ایتمشدر . شیمدی به قادار (پیغمبر) مفهومی آلتنده آکلادیغمز معین بر معنا و ارایدی : پیغمبر لر معجزه و بوکامثال بر طاقم شیئله اعتقاد طلب ایدر لر و بو اعتقاد نتیجه سنده مسعود اولاجغمزى ادعا ایتدک لری کیبی اصیل سعادتک او بر دونیا به عائد اولدیغی سویلرایدی . حالبوکه سقراطک آتنه لیره بشارتی سعادتک بودونیا ده اولدیغیدر . او بر دونیا حقنده کی اندیشه لره قارشى شویله مقابله ایدیور : « شو محققدر که ، ایی انسان ایچون نه حیاتده ونه ده اولد کدن سوکرا بر کوتولک واردر ؛ « الله اوندن یاردیغی اسیر که مز . » بو ذهنیتی اورته یه قویان و اونک ایچون اندیشه سز حیاتی فدا ایدن سقراط قارشو سنده اک درین حرمتله متحسس اولماق عجباً قابلیدر ؟

فلسفه دو قتوری

اورضاره سهر المبرمه

[۱۵] قبل المیلاد ۴۰۶ سنه سنده اسپارطه فیلسوفی مغلوب ایدوب عودت ایدن مظفر قوماندانلردن ۶ دانه سی ، خلاف قانون ، اعدامه محکوم ایدیله جک لری زمان ، سقراط یالکز باشنه ، حیاتی تهلکه یه قویارق ، بوکا ما از ایوم قاق سته مشدی .